



Bosna i Hercegovina
Federacija Bosne i Hercegovine
FEDERALNI ZAVOD ZA MIROVINSKO I
INVALIDSKO OSIGURANJE
FEDERALNI ZAVOD ZA PENZIJSKO I
INVALIDSKO OSIGURANJE

BROJ: FZ3/5/2-11-3-3998-13/24
Mostar, 7.11.2024.

Na temelju članka 70. stavak 3.) Zakona o javnim nabavama BiH (Sl. glasnik BiH broj 39/14,59/22 i 50/24) a u vezi s Odlukom upravnog odbora broj UOFZ- 534/24 od 21.8.2024. članka 8. Statuta Federalnog zavoda za mirovinsko/penzijsko i invalidsko osiguranje ("Službene novine Federacije BiH", broj: 38/03, 86/15 i 7/24) i otvorenog postupka za javnu nabavu objavljenu na Portalu javnih nabava 1023-1-1-131-3-84/24 dana 30.9.2024. za nabavu roba - Nabava arhivskih polica za potrebe Federalnog zavoda za mirovinsko/penzijsko i invalidsko osiguranje direktor Federalnog zavoda za mirovinsko/penzijsko i invalidsko osiguranje, d o n o s i

O D L U K U
o
dodjeli ugovora

I

Dodjeljuje se ugovor za javnu nabavu roba - Nabava arhivskih polica za potrebe Federalnog zavoda za mirovinsko/penzijsko i invalidsko osiguranje ponuđaču "Kabas" d.o.o Sarajevo sa ukupnom cijenom od 51.984,70 KM bez PDV-a, a nakon provedenog otvorenog postupka broj FZ3/5/2-11-3-3998-2/24 od 30.9.2024.

Obrazloženje

Ugovorni organ je proveo otvoreni postupak za javnu nabavu roba objavljen na Portalu javnih nabava pod brojem 1023-1-1-131-3-84/24 dana 30.9.2024. pod nazivom – Nabava arhivskih polica za potrebe Federalnog zavoda za mirovinsko/penzijsko i invalidsko osiguranje. Tendersku dokumentaciju je preuzelo 20 ponuđača od kojih je jedan postavio upit na Portalu javnih nabava. Izvješće o postavljenim i odgovorenim pitanjima dostavljamo u prilogu. Otvaranje ponuda se održalo dana 21.10.2024. u 11. 15 sati.

Za javnu nabavu roba u zakonom predviđenom roku pristigle su dvije (2) ponude i to:

1. „Adut plus“ d.o.o. Banja Luka sa ponudnom cijenom od 51.838,00 KM bez PDV-a
2. „Kabas“ d.o.o.Sarajevo sa ponudnom cijenom od 51.984,70 KM bez PDV-a.

Nakon verifikacije kvalifikacione dokumentacije kojom se dokazuje podobnost ponuđača, Komisija je analizirala ponudu ponuđača „Adut plus“ d.o.o. Banja Luka i utvrdila nekoliko

značajnih odstupanja od zahtjeva iz tenderske dokumentacije, na osnovu kojih se predlaže diskvalifikacija ponuđača iz daljeg postupka.

1. Neizvršeno ispitivanje uzoraka i nedostatak traženih podataka: U Tehničkom izvještaju o pregledu broj 0097/10 od 09.03.2010. godine navedeno je da su ispitivanja izvršena na uzorku skladišnih metalnih regala modela LB6, dimenzija 3000x600x1000 mm, proizvođača BIZZOTTO SCAFFALATURE s.r.l. Via Manconi, 32, I-36027 ROSA (IV) . Međutim, ispitivanja na uzorcima dimenzija 400x800 mm, 400x1000 mm i 400x1200 mm, koja su jasno propisana Aneksom 2 tenderske dokumentacije, nisu izvršena, niti su detalji o njima uključeni u izvještaj. Kao dokaz nosivosti dostavljena je samo tabela sa informacijama o dimenzijama polica, brojem rebara i nosivosti. U zaključku Tehničkog izvještaja je navedeno da ispitani uzorak može podnijeti opterećenje od 180 kg, te da iz toga priozilazi da su moguće nosivosti za druge dimenzije polica kao slijedi: 130 kg za dimenzije 400-500x800 mm i 400-500x1200 mm, te 150 kg za dimenzije 400-490x1000 mm. Međutim, ovaj dokaz nije adekvatan jer se detaljna ispitivanja na uzorcima traženim u Aneksu 2 nisu izvršila, čime tehnički izvještaj ne ispunjava uslove predviđene tenderskom dokumentacijom.

2. Neusklađenost u debljini lima stupova: Pregledom tehničke dokumentacije utvrđena je neusklađenost gdje je Ponuđač na listu 30. "SASTAVNI DIJELOVI POLIČNOG ORMARA" u tebeli gdje su opisani elementi poličnog regala napisao "Stup stranice D=1,5 mm" , dok u Tehničkom izvještaju debljina lima stupova ispitanog uzorka iznosi 1,2 mm, što nije u skladu sa zahtjevima Aneksa 2, gdje je propisano da minimalna debljina lima za stupove mora biti 1,5 mm. Odstupanjem od propisane minimalne debljine lima znači da ponuđeni proizvodi ne zadovoljavaju tehničke kriterije tražene tenderskom dokumentacijom.

3. Neodgovarajuće dimenzije poprečnog presjeka stuba: Daljom analizom tehničke dokumentacije (list br. 29 i br. 30 ponude) utvrđeno je da dimenzije poprečnog presjeka stuba arhivskog regala iznose 50x32/42 mm, što odstupa od zahtjeva iz Aneksa 2, gdje je propisana dimenzija 50x30 mm. Proširenje na jednoj kraćoj stranici stuba od 42 mm izlazi iz gabarita traženog pravougaonog presjeka, dok druga kraća stranica iznosi 32 mm. Ove dimenzije nisu u skladu sa tehničkim specifikacijama traženim za stavku I (Arhivski regali), te stoga ne zadovoljavaju zahtjeve tenderske dokumentacije.

4. Nepravilnosti u dostavljenim dokumentima: Ponuđač je na listu br. 40 dostavio dokument pod nazivom „Certificato“, koji nije preveden od strane sudskog vještaka, čime je prekršen zahtjev iz tenderske dokumentacije tačka 5.1.3. Ova tačka jasno propisuje da ponuda i svi prateći dokumenti, kao i korespondencija između ponuđača i ugovornog tijela, moraju biti napisani na jednom od jezika u službenoj uporabi u Bosni i Hercegovini. Iako tiskana literatura, brošure i katalogi ne moraju biti prevedeni, izuzev ako tenderska dokumentacija ne zahtijeva njihovo prevođenje, u ovom slučaju je jasno da se radi o obavezi prevođenja ovog dokumenta. Prema definiciji, zvaničnim prijevodom smatra se prijevod ovjeren od strane sudskog tumača. Stoga, nedostatak ovjerenog prijevoda „Certificato“ predstavlja značajan propust u ponudi, koji dodatno podriva njenu validnost i usklađenost sa zahtjevima tenderske dokumentacije.

Zaključak: Na osnovu analize dostavljene tehničke dokumentacije u ponudi „Adut plus“ d.o.o. Banja Luka, Komisija zaključuje da ponuđeni arhivski regali ne ispunjavaju tehničke zahtjeve iz tenderskog obrasca. Uočene su značajne neusklađenosti, uključujući: neizvršena ispitivanja uzoraka, neodgovarajuću debljinu lima stupova, odstupanja u dimenzijama poprečnog presjeka stuba, te nepravilnosti u dostavljenim dokumentima, kao što je nedostatak ovjerenog prevoda dokumenta „Certificato“. Ove neusklađenosti sa opisom iz tenderskog obrasca direktno dovode do diskvalifikacije ponuđača iz daljnjeg postupka javne nabave, te njegova ponuda ne može biti predmet dalje ocjene.

U Skladu sa gore pobrojanom navedeni ponuđač se diskvalificira iz daljnjeg postupka javne nabave.

Nadalje Komisija je konstatala da je ponuđač „Kabas“d.o.o.Sarajevo dostavio svu potrebnu dokumentaciju traženu u tenderskoj dokumentaciji.

Dana 31.10.2024. izvršen je također pregled uzoraka arhivskih regala kod ponuđača „Kabas“d.o.o.Sarajevo te je utvrđeno slijedeće:

Arhivski regal (polica) Spazio

Uzorci arhivskih regala ispunjavaju uvjete iz Aneksa 2 u skladu sa deklaracijom i tehničkom dokumentacijom dostavljenom uz ponudu.


ZAKLJUČAK: Analizom ponude ponuđača Kabas d.o.o. Sarajevo Šeherćehajina čikma 3 Sarajevo, pregledom uzoraka, uvidom u tehničku dokumentaciju i deklaracije proizvoda od strane ponuđača, može se zaključiti da su pokazani uzorci u skladu sa opisom iz tenderskog obrasca i zadovoljavaju tražene tehničke uvjete za arhivske regale, te mogu biti predmet dalje ocjene u skladu sa nabavom putem Otvorenog postupka.

Izvještaj o pregledu uzoraka arhivskih regala broj FZ3/5/2-11-3-3998-11/24 od 7.11.2024. čini sastavni dio ovoga zapisnika.

Temeljem utvrđenih činjenica ,a u skladu sa kriterijem „najniža cijena tehnički zadovoljavajuće ponude,, kao najuspješnija ponuda za javnu nabavu roba – Nabava arhivskih polica za potrebe Federalnog zavoda za mirovinsko/penzijsko i invalidsko osiguranje ocjenjena je ponuda ponuđača Kabas d.o.o. Sarajevo sa ponudenom cijenom od 51.984,70 KM bez PDV-a.

Ugovorom sa ponuđačem „Kabas“d.o.o.Sarajevo precizirat će se pojedinosti oko nabave roba - Nabava arhivskih polica za potrebe Federalnog zavoda za mirovinsko/penzijsko i invalidsko osiguranje.

Žalba na ocjenu i izbor najpovoljnijeg ponuđača može se izjaviti u roku od deset (10) dana od dana prijema odluke. Žalba se izjavljuje u pisanoj formi ugovornom organu u skladu sa članom 99. Zakona o javnim nabavama BiH.



Dostaviti:

1. „Adut plus“d.o.o. Banja Luka, Palih boraca br.30, 78000 Banja Luka
2. „Kabas“ d.o.o. Sarajevo, Šećerćehajina čikma 3,71 000 Sarajevo
3. a/a